

宋學士和州張孝祥著

明宗後學張祖學較

後學成其功閱

內制

戒諭將臣詔

十九

朕若稽燕謀寶用儉德駕鼓車以走馬示輟游田之  
娛集書囊為殿帷蓋先敦朴之務至於耳目之玩口  
腹之珍非甲令之常共雖一毫而莫取欲使表端而  
影正風流而令行化貪婪哀刺之徒為禮義廉耻之

俗而朕行未足以厲世威弗嚴於訓姦乃茲內外之  
臣尚狎故常之習乾沒無藝誅求靡厭遂令軍旅之  
間猶須餽賂之致剝士卒之膏血克權貴之苞苴使  
彼抱饑寒之憂而此供宴樂之費有爲若是於汝安  
乎當亟寘於典刑尚申加於告戒繼今以往令出惟  
行其聽朕言各循汝守任將帥者無市恩以貨賄第  
令戈甲之精居左右者宜律已以憲章皆知篋篋之  
節儉不悛而愒命將無赦而必誅各廸保身之明勿  
貽噬臍之悔

十九

又

朕祇若慈闈覃思邊事靡憚焦勞之極欲臻康靖之  
期往者披輿地之圖愴中原之俗皆吾赤子何忍誅  
夷申飭使輶往脩邦聘而金國都元帥僕散忠義怙  
不臣之惡挾震王之威擅繫行人拘之園土旣脅降  
之不可卽顓命而遣還揆彼政之如斯繫不亡而何  
待但以並邊之戍行役彌年風霜凌厲而朕方席廣  
廈之居藜藿不克而朕則享太官之膳所以當饋而  
歎未明求衣朕身在九重之中而心畱窮塞之上欲

馳單騎躬勞六師撫摩痍瘼均服勞苦而百辟卿士  
發言盈廷止或尼之莫孚朕指爰命丞相敬代朕行  
夫佳兵者不祥好生者大德朕豈忍以一時之憤而  
遂忽長世之撫當謹守於封疆益繕脩於兵械使士  
忘露宿之苦而將有死綏之心恃有待而不來寧貪  
功而起釁儻穹旻之悔禍則蕩定之有時咨爾庶方  
咸體茲意

三 太上皇帝本命青詞

丕承聖緒祇奉慈顏當元命之臨辰有珍符之錫美  
爰披寶笈恭扣叢霄願鑒寧親之誠益闡受帝之祉  
四 朱表  
馳誠霄極衍慶慈闈祇荷博臨告成釐事無疆之壽  
永承太上之休有道之長更增皇宋之曆

外制

九

五

沈談落職制

君人臨照百官蓋欲其精白以承休德宰輔儀刑四海豈宜以寵利而居成功繫予旣老之臣自喪不貪之寶其還顯秩用厭師虞具官某頃以藩條擢聞機政惟人求舊謂文武可以憲邦秉國之均何風采不如治郡朕猶虛已日佇告猷精神強而折衝未聞宏畧血氣衰而戒得似減廉聲旣已乖鼎鼐之調始欲掛衣冠而去雖曲全於體貌乃薦致於抨彈其鑄秘

殿之華俾即安車之佚噫君子慎始防嫌疑於未然  
貴臣抵辜尚遷就而為諱慨徃愆之莫抹期晚節以  
自全

十九

六

沈調落職降官制

舜賓世族冒賄有四凶之流商制官刑徇貨謹十愆  
之戒疇時民蠹尚佚邦誅具官某素無廉稱竊造邇  
列過而或改謂且收之桑榆老以益貪始弗盈於谿  
壑永念七閩之都會不堪再歲之誅求貿遷欲盡於

毫釐不遺於膏血女奴賊狼籍公論沸騰慨而同

氣之私姑貫投荒之罰亟鑄美職併奪崇階其祇服  
於隆寬尚少懲於徃謬

十九

七

陳誠之降官制

懷歸有畏於簡書恩始從於均佚試可弗成於績用  
罰難追於黜幽既辜體貌之私宜在譴何之域具官  
某始繇科第凌陟邇聯意其簡默而不言則亦深沉  
而可用擢持兵柄洊閱歲華退食自公宜赴功而樂  
事括囊無譽第持祿以保躬逮庶務之稍繁即抗言  
而請去彈章既上寵數宜鐫噫為祈父之瓜牙初期

十九

陳靖轉遙郡承宣使制

王宮之官朝夕勤事積而至於三年之久可無褒哉  
其官某明敏忠恪服在此位稽日第勞是應遷法夫  
自刺史而上皆武著之高選雖隄其祿苟非尤恩不  
以叙進况承流宣化名秩益顯尚思稱塞無或不祇  
錢愷降授舒州觀察使官觀制

十九

十九

昭德塞違國自貴近始厲名砥節士以廉耻張豈予  
肺腑之懿親乃為龍斷之戕行此而可貫後復何懲

昭化軍承宣使錢愷胄出勳門慶承王第雖武爵是  
襲亦俎豆之常聞而市道自居致簞簋之不飾欲爾  
私藏之富墮予軍政之嚴考核具陳聽聞實駭其上  
承流之秩仍鐫奉謁之儀往即外祠姑惟薄罰

十九

十九

蔣璨降官制

朕惡人之欺而盡下以恕過誤觸罪則當自歸詆譴  
遂非其可亡罰具官某服在禁路出臨輔藩見謂老  
成亦所倚信乃吏姦之不察致臺劾之上聞深惟失  
職之愆姑往賜書之問弗務競懼更為誕謾詭陳立

引子海身  
仗之言前易剡章之日作偽之拙欲蓋而彰聊從一  
秩之鐫尚屈常刑之舉服予寬典新爾後圖

十九  
謝伋徐康降官制

部刺史籀史姦職也汝屬縣令下狀致吾御史以爲  
言汝失職已命汝自列庶或懲後不務引過更肆誕  
謗誰爲若謀謬戾如此鐫官一列尚服寬恩

十九  
韓元吉除度支郎官制

具官某度支之職前世以宰相兼之蓋發歛均節輕  
重取予於是乎在今名存而實廢矣視券牘之成謹

其數出納之而已爾名臣之世幸義好脩淹貫文藝  
綜練世故攝司之以肆以命爾其爲朕思所以振其  
職者

十九  
馮巽之除刑部郎官制

具官某獄重事也獄成而罪疑則上之於朝而刑曹  
郎參決而死者其不可輕付如此爾以明法稱於  
文無害使在茲位孰曰不宜益務詳審以振而職

十九  
晁公武除監察御史制

御史府寄朕耳目苟非其人不在茲選爾學有本原

才可經濟萬里來朝朕蓋得之於一見之初小試粉  
省彌有華問冠豸在列肅我天憲朕所親擢爾往欽  
哉

十五 呂摺除司農寺丞制

具官某惟爾先正有大勲勞在王室朕顧懷其世思  
有以嘉報之而爾亦自將其身蹈履繩簡擢丞農扈  
以試爾能益務祗恪庸稱恩遇

十六 查籥除夔州路運判制

蜀自兵興困於征調夔子之國地境壅而民尤貧朕  
思得賢使者以撫之爾文學議論見推時輩久在近  
服宜知朕指將輸之任輟汝以行往其布宣朕不遐  
棄

十七 黃仁榮除兩浙路運副制

畿內漕視他路選尤重爾以通才屢更煩使輟自泉  
府使服故官往其欽哉嗣有褒擢

十六 張德遠除利州路提刑制

具官某蜀去朝廷遠治獄之吏或不得其平民且無  
告爾久更事任見謂明審其爲朕典一道祥刑之寄



惟公其心以察郡縣使毋濫繫母賄成母上下其手則汝爲稱職

葉謙亨除浙西提刑制

部使者之在畿甸歲時朝集得以其職自達于上視中都官蓋等耳爾嘗執簡柱下掌誥西掖出治劇郡卽有能稱按刑江東獄不冤濫徙以自近宜知朕指佇爾來廷將有褒陟

韓彥直除淮東提舉制

惟爾先世有大勲勞在王室朕顧懷其後思有以褒報之而丞相亦言爾才可錄也淮東煮鹽之利供國用什三命汝以使者節臨之其體朕意思振厥職

曹紱除湖北提舉制

爾守近郡有循良之譽朕念湖外之民勞苦兵事故付汝以使者節往撫綏之其體朕懷勿解于位

陳漢除直寶文閣知平江府制

平江吾股肱郡遴選所付必惟其人爾忠厚明敏所至辦治將輸畿甸成績可紀其還使者之節遂縮太守之章寶儲進直併示優寵尚體予意務安輯之

九

二十三

孫佑追復直徽猷閣制

朕中興之初繫汝為良二千石所臨底績所去見思  
据正不回坐讒一本作是以免歿身久矣風槩凜然有懷  
不忘肆俾甄叙延閣寓直追加密章錄其遺孤用勸  
忠力

九

二十四

任盡言除直秘閣江淮都督府參議官制

具官某朕命相臣以幕府臨邊凡其自從皆天下之  
選爾忠直強明克承厥家所居之官聲績較著必能  
為朕協贊元老延閣寓直庸寵爾行尚堅一心益固

九

二十五

趙不溢降官制

具官某朕惡士大夫便文自營婁下告戒又嘗逐二  
使者一藩臣庶其知革今汝持節所在守不稱職閱  
時之久而汝弗言逮同列之有云姑騰章而飾過察  
州如此不黜何為聊奪一官尚祇輕典

九

二十六

王漢臣李大援轉官制

朕褒錄勤瘁遠臣不以廢也况周旋殿陛贊予朝覲  
會同之儀而司其籍者哉爾漢臣練習而疏通爾大

援周慎而明敏均以積閱協于遷令廉車刺部隃賦  
爾秩是為茂渥尚克欽承

熊說轉官制

周官歲終則稽鑿之事上下之以制其食况汝服勤  
宗邸七年其久全而不失是可嘉已遷官一等以答  
汝能

正任防禦使刺史通侍大夫至右武大夫帶遥  
郡同加封父母制

父

具官某父某朕惟東朝方廸遐壽誕推渥澤爰暨人  
親爾善積于躬有子滋貴服予武著實應恩章載侈  
新封俾陞官簿益綏福祉庸荷寵光

母

具官某母某氏朕承顏東朝以天下養樂人之有壽  
母有以表異之肆因八秩之慶茂暢恩典爾慈懿淑  
謹有子在官宣勞武階獲際休事申賜命綍榮其家  
庭往祗令名益介遐祉

橫行副使及武功大夫至修武郎父加封制

張子淵集  
具官某父某朕惟東朝壽祉以幸天下惟爾有子服  
予武階進汝一官用廣孝治尚祇譽命往迪吉康

三十一  
宗室橫行至正任防禦使父母加封制

父

朕元日詔書蓋推東朝慶祉均暨天下矧予肺腑之  
戚也哉爾神明之支克自謹畏乃其子姓服我近班  
肆稽恩章俾進右秩尚其祇服茂迪遐壽

母

朕惟東朝之壽方迪無疆誕舉慶條以暨人老豈予  
族姓之母可稽脂澤之賜爾胄自華閱嬪于天文有  
子在官宜賁新渥往祇命服之寵益承燕喜之譽

三十一  
懷安軍惠應廟昭佑侯可封昭佑靈濟侯制

爾神父子有廟西土能赫厥靈祓除菑凶朕蓋嘗錫  
之侯爵矣今部刺史又上其事申以顯號於侯何愛

三十二  
昭佑侯子靈助侯可封靈助順成侯制

朕念蜀遠凡蜀之吏有功於吾民皆有以表異之於  
神獨不然哉增賁嘉名益侈而施

三十三  
佐神安仲吉可封通濟侯制

爾神侑食惠應能贊而長以休吾民五等之爵侯位在二又有美號焉朕之報神亦已豐矣

十九

三十四

采石巡簡時宣訊民致死降官制

汝職徼巡而民以掠死雖匪其私顧可弗懲視官一列尚謹而後

十九

三十五

勝捷都虞侯謝興換從義郎制

汝服勤戎昭既有年所其還軍侯往卽官聯

十九

三十六

都虞侯姚元換授制

爾服在戎行多歷年所其還侯御宗易寘武階

十九

三十七

潘得臣男汝楫補官制

爾父爲吏死寇朕旣厚恤典又錄其孤所以報也勉哉惟孝惟忠則爾父益有顯休

十九

三十八

張建陣亡與子德普恩澤補承信郎制

爾父死於敵錄爾以官所以報也往哉惟孝惟忠以顯父休

十九

三十九

王漢臣米綱折欠違程降官制

汝護貢輸乃敢不虔宿留道途折閱什二其貶一秩姑示薄懲

十九

樂寅孫李抃趙達不覺察過淮人降官制

疆場之守朕所致慎爾等為吏乃或不虔其鑄一官以厲餘者

十九

四十一 楊慶祖李大正循資制

朕惟三歲之祀業鉅事褻前期設官是俾典治爾以才選服勞采時殆茲告成厥有褒進

十九

四十二 張俊彥循資制

顯仁之喪爾與有勞其進文階益務其恪

十九

四十三 田漑轉官制

爾捐家貲以佐國用揆之古義何爰一官

十九

四十四 劉嗣立吳懌進書賞轉官制

先帝信書之成汝輩共勞其間可無褒哉

十九

四十五 進書賞人吏等轉官制

屬命諸儒輯成大典汝嘗服役亦俾進官

十六 劄子

論總攬權綱以盡更化劄子

秘書正字  
召對日

臣恭惟陛下天縱神聖身濟興運兢兢行道餘三十  
 年以陛下之心行陛下之政唐虞三代宜不足進而  
 懷忠之士以今揆古容欲有議者何哉羣臣負陛下  
 使令也自建炎以來朝廷之治蓋嘗一再更張方陛  
 下厲精於中典之初則執事者立異相高隆虛名而  
 畧實用逮陛下恭已於修好之後則專國者怙權植  
 黨廢公議以竊王威夫君天也父也事天事父若此

尚何暇望其它哉今陛下收還威柄人才用舍蔽自  
聖志先時二者之敝固已革去然臣之愚猶欲冒昧  
自竭者誠願陛下清閒之燕密諭邇臣使之無苟日  
前益務遠畧而已夫有可為當各進所聞豈必拘形  
迹之疑政或偏敝當勿憚改作不宜習見聞之舊翫  
歲月則將失投機之會飾文具則必盪責實之旨使  
羣臣精白以承休德則陛下高拱而昭成功永輯隆  
平無有紀極惟陛下留神財幸取進止

十六

乞改正遷謫士大夫罪名劄子

秘書正字  
召對日

臣仰惟陛下天造神斷與海內更始士大夫流竄降

黜一皆投拭待之如初甚盛德也臣竊見前者大臣

竊陛下之威福濟私心之喜怒逮其莫景狠恣尤甚

士大夫稍自振厲不肯阿附或小有違忤則羅致之

獄毛舉縷析旁逮知舊懼其不能廢錮必以贓私罪

汗之有司觀望風旨鍛鍊煩酷使之誣伏爰書訊鞠

貫穿首尾強立左驗務令案節備具牢不可破今雖

累降詔旨許以辯雪然有見賢能之士或曾蒙陛下

獎拔則忌之益深乃使虛被誣讎自新無路人才終



張子清集  
棄實可憫惜臣愚欲望聖慈斷自宸衷特降睿旨下  
刑部諸命官自去年郊祀赦前犯贓私罪除州縣監  
臨之官因民戶論訴監司按發若有冤抑依條審實  
外如係近年取怒故相並緣文致有司觀望鍛鍊成  
罪之人特免勘詳並與改正庶幾士大夫實霑恩宥  
復全名節得備國家選用天下幸甚取進止

六  
論涵養人才劄子

臣聞國勢之強弱不  
於地之廣狹甲兵之利鈍而  
係夫人才所謂人才  
有二焉文章足以藻飾治亂興

風采足以羽儀薦紳此平時用之而有餘者也靜有  
以察未形之機動有以應方來之變如藥石真可療  
病如穀粟真可捄饑此則平時既不可不涵養蓄儲  
而羽檄交馳之際則又不可頃刻而無此者也恭惟  
陛下以天縱之聖躬履典運而宵旰求治深恩遠慮  
將以遺子孫萬世之安搜羅人才惟恐或失所謂藻  
飾治具羽儀薦紳者固自不乏然臣區區之忠猶効  
此言者誠懼夫實用之才尚少也夫榘楠杞梓自拱  
把知其爲良然不假之以歲月培壅封植遽責之以

任重鮮有不撓折者是人才又貴夫涵養欲望聖慈  
深詔二三大臣俾更廣求實才可用之人善謀能斷  
文不足而質有餘者置諸中都扶持長養屢試熟察  
以須其成在平時則隆國勢以折未萌於緩急則受  
任奔走禦侮捍患無不可者誠得一二十輩森布在  
列則陛下可以垂拱無爲固宗社於磐石而二三大  
臣亦可以優游怡愉於廟堂之上而無所事矣取進  
止

四

請刪定列聖圖書劄子

校書郎

臣仰惟帝室龍興聖聖傳緒天德地業旣載諸信史  
雲章奎文又勒于鴻編於是並建內閣以謹其藏所  
以宣奕葉之文明示萬世之軌範陛下身濟大業適  
追來孝載卽廣內一新寶儲館御邃清規模輪奐神  
聖顧歆中外感悅太平盛舉不可加已然臣竊聞列  
聖圖書皆在冊府六閣所藏或爲未備欲望睿明深  
詔秘館恭取祖宗寶訓御集實錄五朝正史盡行錄  
寫館職讎較上之六閣庶幾典冊尊嚴日星並煥上  
以昭陛下尊祖欽宗丕揚謨烈之意外以闡治世之

彌文垂耀來今取進止

小貼子契勘今來陳請並係已成之書止乞就秘書省官吏抄錄較正卽不置局支破添給將來了畢亦不推恩

乞不施行官員限三年起離僧寺寄居劄子

校書郎賜對日

臣伏見指揮臣寮陳請州縣僧寺官員見住者限三年起離今來將已限滿臣竊惟朝廷任賣度牒之久僧徒寢少所在佛屋例多空閒往者中興之初西北士人渡江嘗有指揮許於僧寺安下休兵以來雖間

亦自造住屋然其間實有窮困者卒歲之計猶且不給豈有餘力可以買地建宅今緣年限將滿僧徒漸敢無禮迫逐或結託官吏迫以威勢流落之士極爲狼狽臣又聞紹興府福州泉州宗司及南班宗室皆在僧寺格以新制則此官府亦合遷起若別行營繕豈惟州縣甚有所費而工役之多又復重擾百姓伏望陛下矜恤特賜睿旨將昨降寄居僧寺限三年起移指揮更不施行庶使僑寓之士數百千家皆均被

上恩不致失所取進止

較書郎賜對日

論先備劄子

臣聞善醫者不以無病而廢藥石之儲善國者不以無事而忽先具之備蓋懲病克壽弗畏入畏古之戒然也恭惟陛下神心淵懿聖學高遠前世安危治忽之鑒古今先後注措之宜皆已昭晰洞達無有疑蔽如日之中而纖悉必照如衡之平而輕重必審凡所以明謹政體興起治功鞏固丕基維持萬世者罔不備具固何待羣臣千慮之愚然臣不識忌諱深惟古人先事之義竊謂今日歲誠豐矣然荒政不可以不治兵固戢矣然邊備不可以不謹黎獻畢集久釐百工當思有馳騫不足之時四方無警百姓按堵當思有毫末弗緝之患此其畧也夫綢繆宜陰雨之未及宴安惟醜毒之可畏伏惟席大治大安之勢擇凡當預備之策因大臣造膝之餘使之一二條舉熟復而深圖之孟子曰國家閒暇及是時明其政刑雖大國必畏之矣臣不勝惓惓以爲陛下獻惟陛下幸赦取進止

乙更定太常樂章劄子

臣恭惟陛下飭躬齋精祇見郊廟靡愛圭幣懷柔百  
神獨聲詩之薦未稱明德伏觀太常所奏樂章第其  
篇叙則有詳畧之不同稽之文義則或違悞而弗協  
三歲之親祠四時之常祀幸用此也而習熟所傳有  
司弗議臣甚懼焉恭惟真宗仁宗寔始親製薦饗樂  
章所以申景鑠宣至和假三靈之驩者炳然與日星  
較著而當時輔臣翰苑奉詔而作者亦皆依末光垂  
典冊雅頌所編不足進也臣愚欲望聖慈深詔邇臣  
取凡太常樂章更定篇次標別部分具以奏御陛下  
萬機之暇用列聖故事擇宗廟郊禘親祠所用駮發  
睿思肆筆而成其餘分命大臣與兩制儒館之士一  
新撰述哀為成書下之太常以俟來歲郊見奏焉庶  
幾中興追繼韶勺施之無窮取進止

乞脩日曆劄子

起居舍人兼脩玉牒  
實錄院編討官日

臣聞神宗皇帝相王安石用私意作日錄一時政事  
美則歸已陳瓘以死爭之著為尊堯集日錄辯等書  
忠臣義士感激增氣恭惟陛下躬履艱難濟登休治  
寶慈與儉仁民愛物聖德之盛固已聿追先烈而故

相信任之專禮遇之隆又非特如安石受知於神祖也臣竊謂政事舉措號令設施一皆蔽自聖斷故相或能將順贊襄而已臣懼其作時政記亦如安石專用已意掠美自歸揜陛下之聖明私羣臣之褒貶日曆之官因取其說著於簡策大非尊戴君父傳信萬世之義臣實恐懼仰惟陛下既遴選史臣付以論譏欲望駿發明詔再取去歲以前臣僚修過日曆詳加是正審訂事實貶黜私說發明聖德庶幾作宋一經襲六爲七垂之無窮天下幸甚取進止

論衛卒戍荊州劄子

臣仰惟陛下軫念上游旣以荊州付之劉錡而又倚信聽從無一不至伏觀比來詔旨爲錡而下數踰二十如嚴制節備官屬頒緡錢增鎧仗之類是已顧中外之論猶謂錡之所急寔在兵少欲出衛卒往戍錡所夫自吳至荊州山川阻遠調發數千與其孥俱則是數萬不惟經行煩擾亦非所以外示安靖也臣愚竊欲效計以謂取之於遠不若取之於近所謂夔路是也今諸路將兵往往有名無實臣嘗詢之惟蜀爲

盛成都萬人潼川六千夔路四千夔之去荆道路無  
幾若以夔兵二千益荆州轉潼川之卒以補夔闕而  
下成都之甲如夔之數戍潼川或歲時踐更或一定  
不易如是則內無遷徙之爲勞外無疑間之可開周  
旋几席之上而形勝之強成矣議者必曰夔當蜀後  
夔守虛則蜀以危臣謂不然自荆入蜀取道峽中地  
勢險絕人必魚貫而進荆在平行之地據吳蜀之衝  
使荆果強則孰敢踰荆而窺蜀是夔雖有兵寔寔於  
無用之地徙之於荆則上可經蜀一本作下控沔鄂

蜀既無慮而上游亦固一動兩得有利無害伏惟陛  
下畱神財幸取進止

貼黃臣竊考祖宗舊制諸將兵未有不更戍者所  
以均勞逸習道路如蒙聖慈采擇乞下四川制置  
使及湖北帥臣同共措置從長施行

論治體劄子

甲申二月九日

臣竊惟今日天下之事可謂極矣國威未振士氣未  
立財用殫匱甲兵脆弱譬之元氣虛竭之人百疾俱  
見非醫如俞扁有湔胃浣腸之術莫能起也天授陛

下神聖英武龍潛既久周知天下之故作其卽位則  
舉茲世而新之獨攬權綱考核名實憂勞圖回日不  
皇暇顧惟內外小大之臣不足以仰望清光之萬一  
是以再歲于茲大勲未集然臣聞之立志欲堅不欲  
銳成功在久不在速治有大體不當毛舉細故令在  
必行不當徒爲文具大僚欲其同德比義其濟艱難  
之業羣臣欲其宿道鄉方不爲朋黨之私如是則內  
治不患其不修外難不患其不弭以此富國以此靖  
民以此復文武之境土以此摠高文之宿憤躊躇四  
顧無不可爲者已如其不然臣恐藥不當而病益深  
則其憂有不可勝言者惟陛下留神財察取進止

乞不催兩浙積欠劄子

知平江府

臣竊聞今年浙東西州郡間被水患陛下至仁惻怛  
卽降睿旨分命監司賑給遂使數州之民左餐右粥  
如歲豐時無轉徙之患隆恩厚澤浹洽霽霽何有紀  
極然臣得之道涂謂湖秀諸州猶催積欠督責甚急  
百姓頗復不堪皆言聖天子軫念我曹濟之以食而  
官司不能推廣德意乃追積年逋稅名色旣多何所



從出欲望聖慈特賜處分兩浙路監司州縣將今年以前民間所欠逐邑科名稅物除官戶公人及二等以上戶外其餘或與一切蠲免或與權行倚閣至來年秋成起催加敢違戾許人戶越訴及委御史臺彈劾取旨重寘典憲仍令轉運司徧榜曉示度使斯民家至戶到皆知陛下所以哀矜元元之誠意而州縣之吏不敢奉行減裂取進止

論謀國欲一劄子

臣居鄉時鄰之富者有二子焉一欲坐而商一欲行而賈而父莫之決也而使之俱爲之二子之始謀非不善也爲其徒者以二子之不協則各幸其業之無成相非而相殘相戾而相傾居無何其家卒以大困又有貧者亦二子焉以貧故汲汲焉相與營致所以養其親者均衣而節食內閱牆而外禦侮朝於斯夕於斯期豐其家而已是人者訖致千金之貲夫富之與貧圖功之難易相去遠矣以其謀或一而或二貧者以富富者以貧甚矣謀不一之爲患也書曰惟精惟一又曰德惟一動罔不吉又曰予有臣三千惟一

心夫雖不一則天下之事雖至小而無成况夫濟艱  
難之運起非常之治也臣不勝憂國愛民之誠惟陛  
下爾神財察取進止

論先盡自治以為恢復劄子

臣竊惟金虜不道繫我行人中外同情聖意堅決申  
飭邊備以全制勝如臣不肖蒙被使令感激隆知誓  
當效死顧受任之初有當為陛下言者敢布一二伏  
惟陛下神聖英武得於天縱永念祖宗創業之難太  
上皇付託之重兢兢業業不自暇逸將以刷無窮之  
耻復不共戴天之讐天地鑒觀神靈孚祐苟克是心  
何求不獲然臣區區之愚獨願陛下益務遠畧不求  
近功而已夫所謂務遠畧者願陛下盡舍拘攣掃除  
積弊去其所以害治者而行其所當為者起居飲食  
不忘此志而已夫所謂不求近功者願陛下多擇將  
臣激厲士卒審度盈虛躊躇四顧不見小利而動圖  
功於萬全而已昔我太祖皇帝既得天下諸藩跋扈  
初未服從我太祖皇帝規撫已定不動聲氣磨以歲  
月皆為我有臣願陛下以太祖皇帝所以平僭亂者

爲今日恢復中原之策臣不勝幸願取進止

六二  
論用才之路欲廣劄子

臣聞國之強弱不在甲兵不在金穀獨在人才之多少項羽未嘗不強也未嘗不勝也而高祖卒取天下蓋項氏之臣所謂傑出者往往不能容反爲劉氏用無惑乎項亡而劉之興也臣恭惟陛下以英武不世出之姿當艱難之時獨運神斷思濟宏業孜孜汲汲一二年于茲而成功泯然未有端緒蓋所謂人才者尚少不足以備使令耳今入官之門雖廣而用才之路

實狹古者取於盜賊取於夷狄取於仇讐取於姻戚苟才矣初不問其生出之本末也今茲不然非進士科則朝廷已不敢輒有除用幸而用一人焉議者必曰此非清流也此某人之戚黨也此某人之子若孫也此故嘗有所負犯也此跌宕而不羈也其用武臣亦然吹毛求疵深排力沮夫如是而欲力致天下之豪傑以濟非常之事難矣欲望聖慈深詔大臣各體此意舍去拘攣收拾度外之士博取而詳察以備緩急之用人人才旣多使之治財賦使之治軍旅使之宣

力四方陛下臣無往而不獲無為而不成矣臣不勝

卷卷取進止

四論蕭琦第宅及水災賑濟劄子知建康府

臣六月二十二日准御寶封送下御筆付臣及蕭琦

第宅圖本臣已望闕百拜祇領訖伏念臣孤遠賤臣

遭遇陛下入從出藩眷簡優隆糜捐萬死難以報稱

今又錫以宸翰寵嘉踰等雲章奎畫永藏私家臣闔

門老穉不勝感恩戀聖歡喜踴躍之至蕭琦之居即

日併工營繕謹遵處訓更加高大及多與空地今可

馳射琦在此僑寓臣五七日之間一往見之飲食醫

藥錢酒之屬常常照顧所有按月請俸合係總領司

支已行關報訖緣未有支行真俸指揮有司不敢擅

行琦遠客累重欲望聖慈特賜處分所有供錢建康

府已應副訖仰乞睿照江東路沿江州軍水災甚廣

臣節次曾具奏聞夏稅亦自無可輸納秋苗決然無

望如淮西廬和之間人民亦多被害竊慮秋冬之交

饑民聚為盜賊臣雖已差官前去太平州廣德宣池

州措置更乞聖慈宣諭宰執預治荒政淮上百姓方

罷築城掘壕搬磚踏弩之役四月以來急去插秧冀  
望收成一飽忽被水害人情皇皇仰惟陛下焦勞萬  
機德動天鑒災異之來決非人力如堯湯之時定有  
冥數但於賑濟防閑撫摩惠養不得不盡伏望曲軫  
淵衷中外幸甚江上諸州將兵闕額甚多臣已令所  
差官將被水闕食強壯人說諭招刺支與例物亦消  
弭盜賊之一端謹具劄子奏聞謹奏

奏議

論王公袞復讐議

兼權中書  
舍人日

復讐義也夫讐言可復則天下之人將交讐而不止於  
是聖人爲法以制之當誅也吾爲爾誅之當刑也吾  
爲爾刑之以爾之讐麗吾之法於是爲人子而讐言於  
其父母者不敢復而惟法之聽何也法行則復讐言之  
義在焉故也今夫佐公袞之母旣葬而暴其骨僂尸  
也父母之讐莫大於是佐公袞得賊而輒殺之義也  
而莫之敢殺也以謂有法焉律曰發塚開棺者絞二

子之母遺骸散逸於故藏之外則賊之死無疑矣賊  
誠死則二子之讐亦報此佐公袁所以不敢殺之於  
其始獲而必歸之吏也獄成而吏出之使賊洋洋出  
入閭巷與齊民齒夫父母之讐不共戴天者也二子  
之始不敢殺也蓋不敢以私義故亂法今獄已成矣  
法不當死二子殺之罪也法當死而吏廢法則地下  
之辱沉痛鬱結終莫之伸爲之子者尚安得自比於  
人也哉佐有官守則公袁之殺是賊協於義而宜於  
法者也椿等聞春秋之義義在復讐公袁起儒生厓  
怯如不勝衣當殺賊時奴隸皆驚走賊以死捍公袁  
得不死適耳且此賊掘塚至十數嘗敗而不死今又  
敗焉而又不死則其惡必侈於前公袁之殺之也豈  
獨直王氏之寃而已哉椿等謂公袁復讐之義可嘉  
公袁殺掘塚法應死之人爲無罪納官贖弟佐之請  
當不許故縱失刑有司之法宜如律謹議

進故事

臣某曰曹操符堅狙數勝之勢擁百倍之衆因利乘  
便長驅而前偃然有吞併之心然吳與晉卒能以單

寡之士談笑走敵操堅號爲善用兵者及茲智勇俱  
困鳥獸鼠竄僅以身免而其國遂以不競者何也吳  
晉之君臣能以靜制動以逸待勞以直應曲而又有  
周瑜謝玄爲之將帥也夫兵不欲多也兵多而不精  
則志不一而易潰曹操符堅之衆是也是故兵不可  
以不練將欲專也將得其人則兵雖不多亦足以取  
勝赤壁合肥之役是也是故將不可以不擇夫兵已  
練而將已擇則五口飭邊備遠斥堠峙糗糧省不急籌  
於帷幄以待之而已耳雖狼子野心不義而強吾何

畏焉

又

臣某曰文帝可謂知道也已不以我之休戚易天下  
故約於處已而天下以尊榮歸之誦於一時而萬世  
以盛德稱焉炎正傳禩彌於四百文帝所以固結天  
下之心者在是也夫儉非難而出於誠之爲難民至  
愚而神不可以文具化也慎夫人不出房闥而天下  
知其衣不曳地文帝亦庶乎其誠矣其於富海內而  
興禮義也何有昔者舜禹之世而苗民不格夷狄之

患何世無之不曰舞干羽乎文德誕敷而後干羽可  
以懷遠不然抑末也匈奴盜邊文帝猶恐傷民不欲  
深入蓋諱兵而不用也然嘗文帝之時疆場無甚擾  
匈奴浸亦貼服文帝所以為強在德而不在兵也夫  
強固不在兵而軍政不可不修細柳之屯帝識其為  
真將軍當饋而歎然後又知文帝勤於修德猶不敢  
一日而忘兵也

論薦劉澤奏

臣等伏覩武功大夫馬軍司後軍統制劉澤懷州人

初為劉錡偏將錡罷之使特將一軍順昌一本作之順川

役有雋功錡罷澤以所部屯太平都統王進掎剋苛

暴軍人怨之刺骨獨澤撫士卒如子進有所科歛澤

一不從進怒逐之澤家無蓄儲即日乏食舊部曲議

賑給澤澤不可曰幸有官可以歸吏部與其子徒步

參選既判成矣會馬軍司後軍闕官此軍從劉錡久

倚功怙勇將非其人則或頡頏而不服帥擇將難之

有以澤告者以為後軍統制一軍帖帖且畏且喜澤

之在後軍如在太平軍中分市官希澤曰吾軍貧甚



張子治集  
顧可以布與吾軍耳明日以狀謝得布它日令軍中  
市瓦澤又曰所居閒屋尚多瓦可撤也撤以與之澤  
在軍自己俸之外雖添給之屬不以一錢供其私起  
居飲食與士卒賤者等廉勤忠直根於天性自其儕  
伍雖半時有不快於澤者亦不能不稱其賢澤年五  
十有二從軍三十年屢有戰功介於進取不善委曲  
專務奉公守職存撫士卒而已夷考其行雖古名將  
何以過是臣等采之公議輒敢論薦欲望聖慈將澤  
不次拔擢以爲中外之勸

繳駁成閔按劾部將奏

中書舍人日

准中書省送到錄黃一道爲成閔按劾西溪選鋒第  
一將部將李因全不照管人兵致令逃竄乞罷從軍  
與遠小差遣奉聖旨依李因添差江西安撫司准備  
差使令臣書行者右臣竊惟國家之所以懲勸天下  
賞罰而已然賞不當功則不如無賞罰不當罪則不  
如無罰何也功罪已著而賞罰未行則賞罰之權猶  
在也功罪著而賞非功罰非罪則爲善者不勸爲惡  
者不懼賞罰之柄於是失矣自聞西溪卒伍逃竄之

事既兩浹旬其所以不憚死而竄者情之曲折陛下  
既已知之不待臣之言然二十日之間主帥而下未  
聞畧有黜責外廷之臣不敢以爲疑者意朝廷方此  
圖之而未也今茲則大不然朝廷既已不治其人而  
成閔乃敢無所忌憚公爲劾章歸過隊將乞罷見任  
仍送吏部夫掎刺軍士役使軍士利入於已怨積於  
下者閔與統制統領官實爲之也閔不爲之則統制  
統領官安敢爲之統制統領官不爲之則將副部隊  
將安敢爲之朝廷委曲涵容置閔與統制統領官等  
一切不問乃特用閔之言罷一隊將所謂隊將者何  
其獨不幸也哉罰不當罪臣恐浸失賞罰之柄自此  
此輩愈更恣橫輕侮憲章事雖至微關係甚重臣愚  
欲望聖慈將成閔與當來士卒逃竄本軍統制統領  
將副等官等第降黜其本軍統制官仍與罷免庶爲  
餘人之戒或陛下聖意不欲如此行遣卽乞將閔今  
來陳乞罷隊將劄子亦不施行以破小人詭計以慰  
士卒之心所有錄黃臣未敢書行

小貼子臣訪聞馬軍司尋常減刺軍兵請受及非

張子淵集  
時役使最爲酷虐士卒怨帥臣入於骨髓陛下聖  
聰幽隱必察諒必周知臣不敢復布若因此時畧  
與黜責不惟餘人知所懲戒亦可以收中原士卒  
之心疎遠冒聞不勝恐懼

畫一利害

一國家駐兵淮甸根本之地實在江南松江控扼當  
有重鎮除建康係帥府外如鎮江九江武昌守臣權  
輕緩急難以責辦欲望詳酌移浙西帥於鎮江江西  
帥於九江鄂州則帶沿江安撫使仍撥蘄黃光三州  
爲管內遴選帥臣使治城壁繕修器械訓習本路兵  
民積蓄財穀責以歲月務收實効

一竊聞議者欲分拋鹽引於民間兌便錢物緣食鹽  
之人有限若一頓賣過却須暗損權貨務常年所入  
之數臣昨曾具白劄子乞將婦人封號自恭人至孺  
人等第立價出賣許人戶書填與母若妻及女如貴  
族品官之家亦許與妾比之官誥人更樂從比之度  
牒不損戶口

一諸路如提刑提舉職事以漕臣兼之有餘空立兩

司官吏浮費每路不下數萬貫欲乞詳酌盡行廢併  
逐司錢物專委帥臣拘收其見役人吏並合裁減兵  
卒發歸元來州軍漕臣每路止置一員依淮南體例  
兼諸司職事仍不添置人吏

一諸司屬官初無職事止能倚勢作威占破吏卒搔  
擾州縣除諸路應辦軍事處量行存留外其餘並當  
省罷若監司實有職事合委屬官卽於置司處就令  
州縣官兼權更不添請給人從

一州縣百姓旣出免役錢有物力者猶當差科官戶  
自免差役役錢復免一半輕重不均欲望詳酌將官  
戶役錢據見科之數增起一倍並同編戶其收到錢  
別項椿管贍軍

一行在百司乞委臺諫公共相度將不係緊要處權  
行住罷公吏並放逐便候邊事寧息日依舊

三 赴建康畫一利害

一臣今來起發欲先從鎮江府措置事宜訖卽至建  
康交割職事就令本府以次官時暫權管却往兩淮  
將來若有邊事亦許臣往來措置

一 臣如體訪得武臣內有智畧忠義習知邊事或能幹辦繁難之人欲乞從 臣不拘見任寄居待闕官指名踏逐分付諸軍量才使喚如都督府有合差委幹當事務亦許依此施行

一 兩淮措置事務全在州縣官吏協心愛惜不擾而辦如有違戾去處許 臣按劾奏聞

一 臣應有奏報文字並乞徑赴御前投放開拆

乞擇近 臣令行荆襄參酌去取牧馬專置一司

近淮樞密院劄子備奉聖旨令 臣同司馬倬趙某張

某相度於湖北京西置一孳生馬監措置條具利害

供申 臣尋關牒京西安撫及兩都統司各據回文欲

以騾馬四千疋分爲四監內鄂州都統司認養二千

疋荆南都統司認養一千疋湖北京西安撫司各養

五百疋 臣竊惟中興以來馬政不脩歲歲博買其費

巨億而諸軍之馬愈更乏少此則牧養之道未得其

宜故也今朝廷方議置監欲還祖宗之舊若措置得

宜則省國用振軍威制夷狄於是在蓋政事之大

者不可苟且嘗試而爲之也今若諸軍分養則與前

日之撥綱馬畧同諸軍苟於得馬不復爲經久之計  
一二年後稍有折閱則又將以辭自解謂荆襄非宜  
馬之地如此則東西長無牧養之利必資諸蠻而後  
可耳臣愚欲望聖慈特出聰斷於近臣中不問文武  
擇知馬者一二人令行荆襄淮南境中與諸軍帥守  
臣寮深圖地土水草之宜國朝以來所置監牧已行  
故事參酌去取具以上聞取自聖裁專置一司付以  
事權嚴爲黜陟之科責其成功如此則宣撫司所買  
四千疋不爲虛費假以歲月朝廷真得牧馬之用須  
至奏聞者

小貼子諸軍揀汰使臣軍兵所在成羣若今後撥  
付牧馬監令逐州軍解發按月請俸就監支給專  
令牧養實爲兩便伏候勅旨

竊聞西北諸監惟沙苑最盛訪聞監兵見今猶有  
存者散在關外諸軍乞令宣撫司從實根刷撥付  
今來置監去處指教伏候勅旨

秦淮水奏

見筆乘增

秦淮之水流入府城分爲兩派正河自鎮淮新橋甫

張子清集  
注大江其一爲清溪自天津橋出柵寨門亦入於江  
緣淮柵寨地近爲有力者所得遂築斷清溪水口創  
爲花園以爲翫賞之地每水暴至則泛濫城內居民  
被害若訪古亦使清溪直通大江庶建康永無水患  
詔汪徹指定以聞徹言欲於西園依異時河道通  
柵門入江從之

進奉貢葛奏

厥篚織纒雖云任土之殊當暑袵絺顧是此邦之產  
備齊官之二服參禹貢之九金前件物邊幅非長經  
緯殊拙垂衣裳而至治慚莫效於絲毫美黻冕以致  
神或見收於巾幕謹隨狀詣闕上進以聞

辭狀

辭免除起居舍人奏狀

十六

今月六日准尚書省劄子奉聖旨除臣起居舍人日  
 下供職臣聞命震驚罔知所措伏念臣頃以諸生荷  
 陛下親擢俾冠多士觸然蹈禍復蒙陛下脫臣父子  
 於九死之中茲又驟周省闈進侍殿陛凡昔再生與  
 今超用一出聖意不緣他人論報之心雖臣軀命非  
 臣敢有豈宜輒為辭避寔以臣齒少人微塵竊科第  
 甫及五年備數南宮已懼顛躓况秉筆柱下專記言



動非辯智闕達莫宜此選今臺閣諸臣學識資望高出臣右者不可勝舉苟臣冒寵躡據必致清議弗容伏望陛下天地父母之恩委曲哀憐察臣危懼非敢矯飾追寢誤恩改授賢傑庶安愚分

六

再除中書舍人辭免奏狀

伏念臣去國六年分耳永棄叨蒙收召使服故官已試無庸矧堪因任仰惟皇帝陛下神聖英武方建宏業書贊之行宣導德意宜有鴻博來膺遴選况承攝是官既皆名儒奪彼與此義難冒受敢冀睿慈俯亮誠悃許臣依降指揮終滿平江今任既安愚分允穆錫瞻于冒天威無任懇切俟命之至

六

辭免叅贊軍事兼知建康府奏狀

臣起於諸生叨竊名宦軍旅之事實不諳曉顧方外敵凌侮臣正憂臣辱臣於茲時蒙被使令義無辭難死生惟命但今日之事勢異疇昔虜情叵測邦計猶虛至如守備之嚴堅列將之能否強弱之辯進退之宜難以踰度而周知必須親履而詳訪若乃以虛爲實以是爲非苟且目前咎將誰執豈一身夷滅之足惜

而誤國欺君之是虞臣實何人而當此選又况帥藩之重宮鑰之嚴雖日攝承亦難冒據伏望聖慈收還誤寵更圖奇傑仰備驅馳特賜除臣在外宮觀

辭免知靜江府奏狀

臣愚戇不學叨竊踰分罪戾盈溢遂致煩言仰荷隆恩姑從罷黜敢圖開宥還職分闡而况柳賀之間俶有兵事靖治之畧必惟其人伏望收還成命別畀通

特

辭免復待制奏狀

伏念臣頃以諸生遭逢太上歷官未久遽躡禁涂自抵譴呵迄蒙矜宥祠祿終更旋紆郡綬天地之恩毫髮未報陛下行堯之道建用皇極曠蕩之澤與物爲春凡是放臣悉加甄叙顧如孱庸亦與茲寵冒昧以居懼咈輿議仰慚睿鑒俯亮危懼收還成命使復賤官誓殫愚忠益圖來效所有復職指揮未敢祇命

辭免知潭州奏狀

臣疎遠微賤遭遇陛下叨荷眷隆屢垂獎使昨者廣西罪戾盈積勅章既上謂當投匭聖慈寬宥止從罷

免至於賤職復與全存天地父母恩德莫踰雖極糜  
捐報稱何有自反私室闔門訟愆屏息避影早夜怵  
惕敢圖簡記又俾藩郡視舊所領是爲鄰壤委寄之  
重與昔不殊聞命之始恐懼感泣臣實何人疊此忝  
冒已別具奏乞賜恩免螻蟻之軀有不盡者輒具劄  
子昧死上聞伏念臣父母年七十氣血素弱近復多  
病頃赴廣西不曾迎侍道里悠遠日以憂戚臣第年  
幼侍旁無人自臣來歸方獲寧養今茲新任復隔重  
湖垂老之人又難遠涉進退皇惑莫知所措仰惟陛  
下推廣孝道本於人情匹夫之微皆得自達臣之迫  
切義當控告抵冒大譴矢心以辭伏望陛下至仁哀  
矜俯徇愚懇於江淮間易一小郡父獲就養不違定  
省臣得竭力以趨職事祈天請命語無倫次瞻望闕  
庭伏增震作

六  
十二  
辭免知荆南奏狀

臣叨竊外藩僅書歲考頃緣親疾屢丐免歸休迫之  
誠莫遑朝夕忽被簡拔就付邊寄上游重鎮王旅所  
宿望實旣輕顛隕是懼伏望博詢衆智俯亮危迹別

選名臣使當一面遂臣之私賦以祠祿後日糜捐敢不自誓

張于湖集

宋學士和州張孝祥著 明宗後學張時行較

後學盛名閱

表

太上皇帝遜位賀表

斷自聖意協于天心振古所無率土同慶中賀臣聞

為天子父寔倉皇蜀道之歸尊太上皇帝亦草昧漢邦之始未有躬致垂衣之治而獨心懷脫屣之高恭惟太上皇帝陛下道極化元功超象外巍巍蕩蕩繇艱

難馴致於中興汲汲皇皇在底定弗忘於無逸蓋夫  
度聿追於藝祖而深仁壹似於唐堯當乾德之方剛  
體離明而繼照臣欽承謨訓結戀恩私五日起居莫  
預清班之列萬年壽考但蘄神筴之增

賀中  
今上皇帝登極賀表

星輝海潤方肇啓於青宮地闢天開遂丕膺於赤紀  
有赫聖人之大寶於昭天下之至公廟社逾尊華夷  
均慶中賀臣聞父傳於子振古雖然天作之君若今  
未有載纂開基之緒惟新受命之符恭惟皇帝陛下

博厚高明齋莊中正翼翼之心不已蓋本躬行喁喁  
之望咸歸殆非人力仰太上復艱難之業付吾君於  
談笑之間十一世而益光邁建武中興之事八百年  
其增卜侈成周過曆之期臣身在侯藩精馳觀闕朝  
五日而善家令胥瞻孝治之優復兩京而還上皇更  
僖大勲之集

賀立皇后表

儷極之尊光于有昔齊家之訓燕及無垠日月宣昭  
神人歡喜中賀臣聞助棗成盛於宗廟茲王化之攸先

羞榛棗於舅姑蓋宸居之未有於若隆興之嘉禮茂  
承德壽之重歡恭惟皇帝陛下孝始奉親恩兼睦族  
關雎之樂淑女式圖陰教之修雞鳴而至寢門共致  
色難之養肇興縉典不叙彝倫臣嘉與常僚具宣明  
制塗山啓夏方觀萬國之朝太姒興周嗣上百男之  
頌

謝曆日表

一札十行雖存故事元年正月實拜新書景祚有開

庶邦咸喜中謝恭惟皇帝陛下堯仁宅下舜曆在躬

大一統以當天作其即位定四時而成歲敷厥庶民  
肇錫嘉名深詔執事臣敢不布宣上意勸相農功舉  
正於中既謹春秋之法自今以始當觀正朔之同

謝曆日表

二年而調玉燭方洽泰和一氣之轉洪鈞再頒新曆

惟朝廷則用故事在郡國實為寵光中謝恭惟皇帝

陛下與天為徒體道御數協時月正日俾民不迷自

南北東西遵王之道臣敢不建用皇極奉揚仁風于

再于三勸百姓農功之敏時億時萬祝兩宮壽紀之

二十

二十

長

賀元正節表

元年正月實春秋謹始之時是日三朝會圖籍貢珍  
 之盛肇新縟典益侈闋休中賀恭惟皇帝陛下道本  
 財成誠參化育羣黎百姓欣逢治定之期君子小人  
 各適消長之分導迎景貺登濟中興臣猥以賤官出  
 守外服君門萬里雖迹遠於天朝壽觴九行徒夢遊  
 於帝所

賀冬至節表

品彙慶一陽之復於時是為仲冬王者會萬國之朝  
 具儀亞於獻歲中賀恭惟皇帝陛下重明歷正敦復  
 考中不動聲顏豈止俟陰陽之定純受德教所以同  
 天下之心受福惟多知剛方長臣忻逢穀旦屬守竹  
 符望帝都千里而遙莫與班行之末上吾君萬年之  
 壽不知精爽之馳

進登寶位銀表

受四海之圖方盛官儀之復鑄九金之鼎敢忘牧貢  
 之脩悵違執玉之趨祇效來琛之獻中謝恭惟皇帝

陛下配天立極如日升明所寶惟賢已旁求於壽雋  
理財以義且盡貫於逋租而臣職在剖符禮應奉幣  
侑稱觴之萬壽知芹美之非珍筵交戟之百重慕蔡  
傾而徒切所有賀登寶位銀一千兩謹遣妹夫進士  
李瞻捧表管押上進冒犯天威臣無任

謝除中書舍人表

螭切秉筆方愧空餐鳳掖代言遽叨親擢被身章而  
滋寵捧誥牘以彌驚懇避莫俞省循增懼中謝竊以

中書本命令之地舍人典文字之官學博藝精斯能

華國職清地近豈可假人蓋有思之敏者未必暢於  
事情詞之工者未必窮於理致問古今則高崔互有  
所得評書詔則常楊各擅所長世每歎其才難人亦  
隨於罷使非夫言通志慮識達典章絢黼黻之文遂  
淵源之業則何以裁坦明之制居清切之司如臣者  
才不逮人學徒泥古偶玷名於巍第俄策足於要津  
屬內史之久虛俾孤蹤而代匱方自虞於顯黜敢有  
望於爲真忽拜異恩祇慙非據此蓋伏遇皇帝陛下  
圖回至治縱覈羣工方將藻飾於皇猷故必網羅於



張子清集  
衆俊雖大公之施不間疎微而小已何堪誤膺簡拔  
臣敢不仰承眷渥益勵操脩職在絲綸寧有彌綸之  
助事專筆舌敢忘獻納之忠

二十七  
中書舍人直學士院謝表

右輔分符初無治狀西清掌誥復冒寵除更通熬禁  
之班還參豹尾之從中謝伏念臣空疎不學微倖入  
官歲月推遷遂塵清貫風波浩渺迄致煩言一收朝  
蹟而歸五見律筭之操尋覆蕉之夢驚曩事之皆非  
追視草之遊懼此生之終棄敢圖新渥適服故官躡  
文石以朝趨掣宮鈴而夜直茲蓋伏遇皇帝陛下不  
膺舜曆煥緝堯章核名實以登俊髦蓋欲去虛文之  
害躬勤勞而詔機務益將恢遠御之圖曾是孤蹤亦  
叨殊獎竊謂今日論思之職豈特平時播告之修顧  
邊瑣之多虞繫廟筭之靡定必有隨時制變之策以  
究折衝禦侮之宜造膝之言願極陳而毋諱捐軀之  
誓期永報於不貲

二十八  
撫州到任謝表

解荷橐於西清久隔雲霄之望分竹符於南紀忽霑

雨露之恩惟盛時無終棄之人俾下臣有自新之路  
中賀 伏念臣策名最晚被眷獨優始繇狴犴之餘旋  
遙班聯之末驥駉備八鑿之乘何有於鴛材鵠鴻參  
萬玉之庭更容於鼠技惟特達盡繇於親擢累迂疎  
交致於人言俯危迹以屢驚悵明恩之未報敢期宥  
過尚俾乘流茲蓋伏遇皇帝陛下仁與春融道同天  
覆建非常之策方任賢而使能開大公之門悉除苛  
而解媿乃眷上游之古郡載收散地之羈人臣敢不  
懲沸吹壘飲冰食蘖求民之瘼稍更珥筆之風勝已  
之私切謹佩韋之戒祇圖來効思蓋徃愆

平江府到任謝表

顙天有請願供水菽之勞易地疏榮復畀繭絲之託  
仰戴上恩之厚靡容私義之伸中謝 伏念臣開迹諸  
生受知太上華涂超躡莫匪親除憲府抨彈良繇自  
取會真人之御極容偏郡以承流已試無功正閑得  
劇雖自西徂東周爰執事然以小易大是誠何心深  
懷顛覆之憂或誤甄收之意茲蓋伏遇皇帝陛下聖  
同藝祖孝述光堯廓大度以用人欲兼致非常之士

攬權綱而在已將崇成可大之功曾是棄捐亦叨簡  
擢臣謹當布宣盛澤激發懦衷澄瀚海之波冀有因  
人之薄效凝清香之寢敢如平世之偷安

二十  
潭州謝復次對表

賜以贊書還之次對敢云舊服是謂新恩中謝伏念

臣智昧一官仕嘗三已江湖遠引自憐蹇剝之多雨  
露均霑獨倚乾坤之大茲益伏遇皇帝陛下緝熙聖  
緒駿發英猷專予奪之柄以馭羣工明功過之使以  
典庶事迺如孤迹亦預慶條臣敢不祗佩隆私益追  
往咎儻有及民之效則爲報上之忠

二十四  
代總得居士賀天申節表

珍圖錫美方隆滋至之休誕月開祥載衍無疆之壽  
照臨所暨舞蹈攸全申賀恭惟皇帝陛下盛德日新  
至仁天覆齋居節費不爲耳目之娛屈已和隣無復  
甲兵之問凡此無爲而保治蓋將守靜以延年臣濫  
職外臺忻逢穀旦夔龍接武阻稱漢殿之觴蟻蟲輸  
誠徒效堯封之祝

二十五  
代方務德賀回鑾表

靈鋒電掃穢厥渠魁輿衛天旋格于藝祖神人歡喜  
華夏奠安中賀恭惟皇帝陛下二配乾坤恩兼南北  
始結璇圭之好欲齊民均蹈於泰和茲親革輅之征  
乃黜虜自干於皇畧逮訖鯢鯨之戮亟傳龍駕之歸  
萬里提封將復漢圖之舊百重陞戟載新吳會之朝  
臣屬奉清閑獲瞻睟穆邊庭賤守莫陪飲至之觴馳  
道告行企望前驅之蹕

二十九 代百官賀冬至節表

增泰元之筴六閩受命之符奏黃鍾之宮不應得天  
之統造庭稱壽率土均釐中賀恭惟皇帝陛下與禘  
爲謀惟皇作極合八能於前殿衆建人才書五物於  
保章用昭歲事緝熙景貺敷錫羣生臣等叨列攸司  
欣逢穀旦七日來復方占羲曆之祥萬壽無疆願罄  
堯封之祝

三十 代百官進玉牒成書表

帝系勒鴻燦科條於屬籍聖謨啓佑嚴訓典於寶儲  
御巖廟以觀成拱朝班而稱慶中謝竊以堯統漢緒  
肇派別於天潢周誥商盤麗光躔於東壁惟昭穆親

疎之有序與文章號令之當傳歷時浸闕於編摩甫  
歲悉加於纂緝必親經財幸稽春秋簡牘之文故並  
建姝尤若河洛圖書之出恭惟皇帝陛下慶綿景祚  
志適先猷世茂本支襲生民之尊祖道昭歷服成下  
武之繼文考仙宗皆聚此書述遺烈永爲大訓臣等  
猥蒙際遇快覩休嘉麟趾振振共仰宗盟之益茂虞  
書渾渾更瞻聖作之相輝

二十  
代百官賀日蝕陰雲不見表

璿璣占象方虛辰集之差黼坐端躬遂應離明之正  
喬雲密護沴氣潛消瑞揭圓精慶繇宸極中賀竊以

日行有節數或戾於經躔帝德罔愆誠乃回於穹鑒  
偉休符之昭著知治道之顯融恭惟皇帝陛下神化  
又新智輝旁燭容光必照聿凝丕冒之功守實不虧  
坐協寅賓之度惟聖時克先天不違臣等服在邇聯  
與觀景貺珍圖疊紀仰開合璧之祥羣目共瞻益勵  
傾葵之志

二十  
代百官謝賜時服表

冬祁寒而惟怨咨過軫聖神之念秋獻裘而待頒賜

此表後有遲  
奉旨寫奏狀  
一首

聿嚴典則之常手舞拜嘉匪將示寵臣等中謝恭惟  
皇帝陛下文昭經緯道極彌綸中寶儉慈衣弋綈而  
率下外新制作美黼冕以御朝乃眷周行載分齊服  
臣等恩均在笥德愧章身制彼裳衣莫効馳驅之力  
出於機杼當知紅織之難

二十  
二十一  
代方務德廬州到任謝表

外間分憂肆頒明命內朝賜對載邇清光已見荒郡  
創殘之餘具言聖主哀矜之意中謝伏念臣屢膺劇  
寄茂著微勞譚孤蹤宜在於棄捐而廟論猥煩於推

擇屬有負薪之疾既辭輓粟之行逮茲邊瑣之多虞  
復俾帥情而申命馳驅引道俛仰拜恩細札十行亟  
承於漢詔土階三尺密奉於堯言軫民之寤則使攝  
關市之征憫臣之病則戒求藥物之善掩骼下度僧  
之牒振饑分貢牧之金獨揆譎能曷勝隆委茲蓋伏  
遇皇帝陛下至仁惻隱盛德涵容革輅徂征巴克清  
於大憝玉闕罷警將永洽於泰和慨斯鋒鏑之淫夷  
懼以繭絲而割刺故銓冗吏使布寬條臣敢不祇若  
神謨恪恭賤職老於州縣敢圖橫草之功固我封陲

庶弭搔爪之怨

啟

代總得居士上宰相

谷深百適敢逃齋斧之誅恩予再生願廣覆盆之照  
仰止雲龍之會俯殫螻蟻之誠伏念某晚學支離殘  
生寒窶躬耕自足所願力田而逢年世祿偶霑本意  
爲親而捧檄孤孽自憐於薄宦廉隅竊慕於前修慮  
捶楚之莫辭實簡書之是畏諸公長者猥借齒牙清  
都太微獲望旒冕退效一官於塵土投閑二紀於江  
湖日莫而巾柴車嘗躬鄙事秋風之破茅屋安所奠

居雖周道如砥何有於崎危而秦網凝脂竟罹於羅  
織會上聖權綱之獨攬貫下臣縲繼之非辜綴毀裂  
之冠裳招散離之魂魄冀安晚節絕望榮途何負薪  
之疾未瘳而剖竹之符狎至游拜西州之繁使適當  
北鄙之多虞申命惟行懇辭莫遂念廊廟簡知之特  
達且闡梁捍禦之濶疎釁已結於搔爪備初微於橫  
草竊厲死封之志遂忘負乘之譏李牧之居北邊費  
軍租而享士營平之破羗賊留步卒以屯田盜空狐  
鼠之羣吏戢豺狼之暴周旋兩稔辛苦百爲顧績效

之未聞亦規模之粗定自嗟激烈人笑迂疎果飛謗  
之交攻致劾書之趣上尚蒙觀過俾免所居匪造化  
之曲成殆生全之莫保雨流木偶所念無歸火及池  
魚又將奚咎聚族近盈於千指爲氓不辦於一屢疾  
病侵凌親朋棄絕固已闔門而恐懼尚虞投隙以摧  
傷瀝血攄辭搏膺請命伏望僕射相公廣好生之德  
察溢惡之言憫其嘗被於使令頗亦服勞於奔走稍  
援溝中之納俾留爨下之焦收父子之餘年歸田園  
於故里况及席搜羅於豪傑欲前籌開濟於艱難有



如不肖之資既乖已試之效儻獲洗滌於既往庶將  
勸厲於方來九頓首以自歸冀垂威聽三折肱而不  
悔誓報隆私

代總得居士上葉樞密

運璇樞於霄極方恢宏遠之圖馳玉節於戎荒益茂  
綏懷之畧仰止南轅之近莫陪前弩之驅輒控緘膺  
冒干齋斧恭惟國信樞密德全剛大學貫淵微萬壑  
長松卓爾棟梁之用九金神鼎岌然寶鎮之儲佐王  
夙負於英資憂國粵從於早歲已積公台之望浸膺

旒展之知容臺高潤色之功外府極轉輸之効昔年  
上最卽日召還橫榻憲臺朝有絲繩之直持衡銓部  
人知水鑑之平紬石室之圖書誦露門之簡策豈特  
縉紳之歸重抑惟夷貊之知名亟自南宮進陪西府  
方膺主廣右文之治適殊鄰修交聘之儀政須國幹  
之良徃震天驕之俗望龍沙而引道馴犬聚以革心  
何但單于識漢相立朝之風采定應回紇懾汾陽單  
騎之威容式時過歸厥有成績聳聞廷告滿慰具瞻  
伏念某邊徼微官門闌舊物半生憂患嗟老矣以何

堪末路棲遲復病焉之爲崇屢祈哀於宰路冀得請  
於仙祠茲聞大壽縣之還寔冀洪鈞之播受厘故里儻  
容孤迹之偷安擊壤明時尚與齊民而拜賜

代總得居士上徐敦立

肅持虎節還自龍荒陟老上之庭國威坐振曳尚書  
之履天眷彌隆仰繫徒御之勞當有神明之助恭惟  
國信尚書學尊一代氣蓋諸公大丞相之家風流是  
似古君子之操夷險弗渝方甲兵之間不至廟堂惟  
忠信之人可行蠻貊一星北去三月南歸喬木參天  
諒切故都之感雪花如席可堪胡地之寒茲奉對於  
清閑卽叅華於近密某棲遲薄宦景仰壯猶瞻十乘  
之元戎莫遂前塵之拜蔭千間之廣廈知無凌雨之  
憂

代季父賀湯丞相

大號明敷真儒進拜基命宥密旣用予安天下之民  
疇咨登庸蓋論相迺人主之職恭階齊色巖石具瞻  
恭惟僕射相公廣大高明溫良恭儉範圍天地之業  
實蘊蓄於平時黼黻河漢之文聊發揮於餘事徧歷

在廷之清貫屹爲斯道之主盟周旋回枉之間終始  
端方之守抗浩浩滔天之勢愈厲忠規切惓惓造膝  
之言願還威斷揭大明而烜照破積陰之蔽蒙旣妙  
契於宸旒將遄歸於政柄姑畀腹心之寄俾專帷幄  
之謀右府本兵懔天威而遠震神樞旋極鞏國勢以  
中嚴萬山瞻鰲鎮之尊一柱障鯨波之險庸虛次輔  
特告昕朝衆志交孚覬我公之爰立上心簡在揆剛  
日以延登新風采於巖廊峻冠章於槐位丕建太平  
之業益隆不拔之基某獲侍光躋越從早歲方流落  
棲遲之已甚獨矜憐收拾之不遺欣此餘生永歸太  
造若早作用抑多方均被於洪休如泥在鈞豈一介  
獨爲之私喜

賀湯丞相

誕受冊書進登揆席星樞環極有嚴宥密之司帝鴈  
調元不正彌諧之任天心克享物望交孚洪惟本朝  
之興垂二百載粵自右府而相才十數人趙中令以  
創業佐命之勲韓侍中以決策尊王之畧杜正獻閒  
暇清正而不致抑僥倖曾宣靖謹畏周密而明習憲章

率皆名垂世之日星身為國之基杖若時英輔光配  
 前人恭惟僕射相公才全而德不形功大而心轉小  
 惟虛以靜故能應無窮之變而不懼惟寬而栗故能  
 處羣枉之間而不回厥惟惟幄運籌之初已著股肱  
 惟人之望還主威於笑談之頃恢朝綱於紛紜之餘  
 國人日賢已恨登庸之晚大君有命幸瞻爰立之新  
 朝廷謙是以尊安天下想聞其風采渙號所暨泰亨  
 可期有如孝祥辱在恩地大厦成矣當容戢翼之歸  
 泰山歸然請効微塵之益竊謂君相之遇合或繫國  
 家之隆汙有其君而臣不足與圖功或當饋而歎息  
 有其臣而君不能與共治或環轍以趨起永惟感會  
 於一時蓋亦寂寥於千載迺今之盛振古未聞皇上  
 勵至神而詔百官諸賢建大功而同休德疆場不聳  
 年穀屢豐豐儉不及茲而有行是將無日而復可惟海  
 內重望之所屬此門下素蘊之欲為毋使四公得專  
 美於前抑亦永世有甚休之譽

三十一

五 洪帥魏參政

九命作牧逖瞻帥閫之雄一廛為氓近接官墻之峻

念昔播大鈞之塊北乃今依厦屋之幘幪恭馳只尺  
之書丕承進退之命伏念某鄉持末學輒冒首科觸  
宰路之虞羅陷親庭於狴犴回霧塞方蔽羣儉地  
闢天開俄登衆輔乃聖主類郊之二日辱明公造膝  
之一言可但釋繫於詔獄之寃且復育材示儒館之  
邃恩私厚矣報效缺然謂當少著於事功則亦仰  
於知遇冥行自信幽黜固宜奉香火之祠遍趨並塞  
遡旌麾之府夙隔重江未容望履於和門姑欲卜居  
於德里是所願也敢私布之恭惟某官道緝聖傳功  
熙帝載三能之麗天極煌煌列宿之躔四溟之經地  
維浩浩百川之委若稽獨化之始登翊萬微之繁凡  
當時廊廟之所行雖走卒兒童之能誦青天白日靡  
容刺繪之工赤鳥袞衣但冀旋歸之速方將芘天下  
之寒士夫豈拒吾儕之小人載惟瀛落之蹤采極依  
歸之悖仰窺宏達必遂矜容開商邦三面之羅已涵  
大惠築楊子一區之宅終藉餘休

王樞密

運璇樞於霄極夙瞻命袞之崇分玉鑰於神臯今仰

建牙之近屬有負薪之疾未脩歛版之恭敢徹書函  
冒干齋斧恭惟某官功熙帝載道覺民先清介之風  
凜然表世而獨立孝友之行信矣行人之所難竊觀  
聖君簡注之深幸繇明公誠一之著異寵超躋於羣  
辟斯文冠絕於當時紫誥黃麻士知模楷丹心白髮  
國有著龜丕釐宥密之司誕付安危之寄造膝九重  
之議固遠臣莫得而聞捐軀萬里之行雖黠虜亦爲  
之懾方佇登庸之拜俄聞均佚之歸西都獨樂之燕  
居始姑從於雅志安陽畫錦之榮事終弗遂於牢辭

卽故里以開藩護陪京而作牧江山震疊父老歡呼  
小煩尊俎之籌益壯盤盂之勢遂膺渙號還陟鼎司  
某一遠台符再周歲紀龍墀奉對首叨特達之知螭  
陛記言更自薦揚之致逮右府出疆之日寔西垣去  
國之時瞻鷓首於江濱靡容奉謁委鸞牋於天上猶  
辱貽書自憐不肖之軀正在大何之域丹書未削居  
懷夙夜之憂綠野非遙坐阻寒溫之問豈謂遷纍之  
至此會逢碩輔之來臨人謂斯何嗟刺骨吹毛之已  
甚天其或者將息黥補劓之可期仰繫大造之仁俯

亮危衷之切冰魚未躍長依萬頃之澄波巢燕來歸  
寧斬千間之廣廈

淮東漕魏郎中

京輦劾官屢瞻逸軌邊亭奉指迺借餘光豈日爲寮  
於焉事長伏惟某官氣吞餘子學眇諸儒未嘗枉尺  
以直尋真欲居今而行古凜乎一代之名士備更險  
夷信矣中興之吏師所至辦治嗟守關之虎豹因橫  
江之鱣鯨人謂斯何厥有至公之論天其或者將爲  
大用之基礎聖政之更新偕羣賢而彙進雙旌引道

亟分刺史之符一節趣歸卽覆郎官之錦簡注深厚  
寵靈游臻陞內閣之新班專外臺之劇寄眷斯民俗  
已熟教條舊所領州尚鬱去思之望及茲開府當成  
不戒之孚仰窺訓詞卽俟報政某棲遲晚節湯浪此  
官方懷投勅之歸空切登車之志念昔已同之臭味  
于今復並於官曹仰鄰燭之分輝庶山藜之不采隆  
寒在候盛德對時冀妙毓於生經用丕迎於景貺

新巢縣許宰

冠千佛之名早嘗慕義爲百乘之宰今乃同僚雖共

嘆於回翔聊自謀於親炙伏惟某官才高雋軌文掞  
明庭凌雲之氣超然固已薄蓬萊而直上激水之飛  
遠矣方當運溟海以橫舉詎意荒城肯臨君子歷考  
本朝之故事人謂斯何自結明主之深知公寧久此  
所冀亟來於行李庶能少奉於周旋

二十  
十  
荅吳將仕

屬厭俊聲夢想德宇丈人作牧適臨父母之邦仲氏  
決科更參兄弟之契欲論交而繡衣之斧今托芘竊  
之天將祗奉於教條敢敬馳於書牘伏惟某官學潛

謂亦以下乃二十三卷  
任提刑之文銘同  
在此

精粹德秉純全素節清規表儀於鄉黨閎猷敏識潤  
色於朝廷容臺正薊禮之訛憲府極繩愆之效方佇  
持荷之拜俄聞蕩節之行千里上游久著平反之譽  
九關帝所卽期趣召之歸某一去賓閔屢更歲籥躬  
耕下澤徒切睇於光躔假守偏州乃密依於蔭樾所  
冀少寬於程督庶將自力於撫摩

二十三  
八  
黃運使

一麾江海叨被恩  
千里湖山遙瞻使節方有希於  
餘潤乃先辱於惠  
恭惟某官德履粹溫才猷開濟



早更名郡偉望實之兼隆暫屈外臺見事功之咸允  
雖經畫雅資於管葛而論思正屬於嚴徐佇奏嘉庸  
卽還近列特紆高誼曲賁踈蹤把酒分一日之光坐  
歎晤言之阻占詞妙五雲之體但深藏去之榮

江州林知府

半生慕義未遑賓謁之修支郡承流遂有善鄰之托  
載馳書牘恭掣齋鈴伏惟某官敏識造微英猷邁往  
卓然一代之循吏喜是中原之故家坐嘯江城仰治  
功之獨最奉朝漢闕諒追詔之非遙曾是微蹤將依  
隆茂寒女緝苧所願分光於有餘拙匠伐柯尚欣輿  
則之不遠

王提刑

汝水承流已叨覆露吳門易地更托按臨繫幸會之  
適然知譴呵之可免伏惟某官純誠獨秉剛毅不回  
溜雨之四十圍本孤根之自立搏風之九萬里寧短  
翼之爭飛粹無悃幅之華凜有澄清之志顧外庸之  
久訖宜中詔以遄歸某別德經時親仁不日疇昔熟  
於條教莫先圖民俗之安乃今奉以周旋當益厲官

常之守

章提舉

虞廷輯瑞昔叨一盼之榮禹甸宣風今與六條之按  
仰止使旄之近俯馳書牘之恭伏惟某官粹量淵停  
英姿山立文高學古蔚爲儒掖之宗行峻履方屹此  
廷紳之表自寵持於華節卽妙簡於垂旒外庸已訖  
於澄清中詔行參於宥密某見賢不遠受察云初是  
能容之儻少寬威於程督庶可乎耳所當盡力於撫  
摩

與通判

諸公長者之譽疇昔故願見之同官爲察之賢乃今  
何其幸也伏惟某英猷邁往正學探微杞梓榷楠知  
鄧林之不雜琮瑾圭璧宜清廟之見收暫淹半刺之  
除行拜十行之寵某依仁匪遠託契云初前事後師  
倘悉蒙於教告左提右挈庶將免於悔尤公其圖之  
我所願也

知州

門闌睽隔久違問訊之恭

不相識云門闌在望未諧識面之私

郵傳鼎

來遽被貽書之寵仰佩冲虛之愫更懷親附之榮伏  
惟某行峻履方識明器博籍甚諸公之譽當立上於  
要津居然一障之乘顧何勞余餘刃諒賜環之在即  
遂持橐以居中某已試無功焉閑得劇民亦勞止與  
少圖安集之功公倘教之當謹承清淨之誨

待闕通判

上同 伏惟某官行峻履方識明器博籍甚諸公之譽  
前 當立上於要津居然別乘之官顧何勞於餘刃諒賜  
環之在即遂結綬以遄歸下同

趙郎中

上同 伏惟某官行峻履方識明器博籍甚諸公之譽  
前 當立上於要津退然三徑之居乃深藏於偉業諒璽  
封之來下由珍館以遄歸下同

王提幹

上同 伏惟某官行峻履方識明器博西樞宥密風推  
前 家食之謀右輔均輸今賴幕中之畫佇趨嚴召立據

要津下同

朱知府

二十三  
九  
前上同 伏惟某官行峻履方識明器博楚都揭節夙高  
廉按之公嚴瀨剖符行著蕃宣之績恐難淹於外服  
當卽拜於中除下同

胡國正

籍甚諸公之譽所願納交粲然一紙之書胡爲及我  
伏惟某官高文足以華國絃論足以濟時壁水之除  
此其漸耳瑣闥之拜衆且遲之方消搖於里居益涵  
泳於聖學俯慚固陋行際聲光友士之仁豈獨慰平  
生之願求民之瘼庶將聞忠告之規

二十三  
十  
陳教授

同年之誼契濶逾時爲僚之賢解后於此伏惟某官  
議論談乎國體文華瞻於時英教諸侯之泮宮聊從  
容以卒歲備天子之詞命知軒騰之有時某攝官云  
初依仁是幸友多聞之益無以尚之問爲政之方其  
知免矣

二十三  
十一  
常州郭知府

諸父納交昔叨末契近藩假守今託善隣將敬掣於  
齋鈴敢遠馳於書牘伏惟某官才高盤錯譽滿薦紳

張子澂集  
諫大夫薦之公朝 太上皇擢以名郡第循良之最  
獨居三輔之先輸獻替之忠卽參兩禁之密某已無  
善狀更誤龐恩望廬山之雲旣闕晨昏之養飲吳江  
之水敢爲旬月之圖欣近接於封圻將悉摹於條教  
僕之所願如此公其勿愛于言

撫州陳知府

顧膚之譽久屬厭於舊聞斗大之州乃淹翔於敏手  
豈獨託交承之契所欣蒙覆護之私伏惟某官器業  
偉然聲華籍甚家學之富蓋有本原吏治之精尤高  
盤錯暫領一麾之寄卽嚴三節之歸乃眷臨川號稱  
古郡戶乏中人之產內無經月之儲貪吏乾沒旣不  
哀杼柚之空齊民無聊皆去爲囊橐之盜宜有循良  
之政未蘓疲瘵之餘愚若孝祥一無可紀糠粃在前  
之愧夫何言哉瑾瑜匿瑕之仁是所望也

劉舍人

五筦曠官已迨黜幽之典三湘謀帥又叨使過之恩  
直惟衣鉢之傳實有鈞陶之自某奉身無術與世全  
踈冥行於利害之涂窘處乎讒謗之藪載從去國屢

別子海集  
遣作州率以五六月之間則爲數千里之役精神耗  
於憂畏筋力疲於奔馳忽去忽來固未免擲掄之鬼  
乍賢乍佞獨奈何萋斐之人豈無二頃之可耕况復  
雙親之既老決意投簪之適弗圖賜履之榮恭命而  
行懇辭不獲茲蓋伏遇某官學窮聖蘊道覺民先羞  
崑崙薄蓬萊迥立風塵之表決汝漢排淮泗橫馳翰  
墨之場比收一笑之功遂殄陸梁之寇雖在公以爲  
餘事然寬上之所甚憂肆予環而召歸當告冊而爰  
立即以所臨之巨屏付之承學之諸生某敢不謹守  
箴規益思策勵老吾老幼吾幼方深蘄錫類之恩步  
亦步趨亦趨終難望絕塵之軌

二十三  
十四  
王運使

勅章亟上即使歸田明詔趣行又令分閫蓋亦東西  
之惟命敢云來往之爲勞所欣容察之賢乃是交游  
之善伏惟某官英姿煥越德宇靜深風流傳正始之  
餘人物尚中原之舊刺清湘之樂石嘗夷赤籍之驕  
通下瀨之戈船又靜綠林之擾佇圖成績卽拜顯除  
某猥奉藩條獲依使節念問涂衡嶽曾分筆硯之餘

而枉駕湘西復接不血觴之勝違離屬爾際會偶然一  
馬二童長驅千里雙魚尺素疊拜三緘筋力盡於奔  
馳精神爲之耗散欲報所貺將遣復休念已投契分  
之深豈其較禮文之末我之不敏情見乎詞

寄居官

勅章亟上即使歸田明詔趣行又令分闔蓋亦東西  
之惟命敢云來往之爲勞一馬二童長驅遠道雙魚  
尺素敬拜好音病體困於奔馳文思爲之枯涸涉筆  
欲報空函是憂念方休德庇之初管下倅云念方必  
記條契之深不較文禮之末我之不敏情見乎詞

呂彥升到狀

出分宮鑰繆托交承入奉介圭喜將解后聞有南徐  
之新命復爲北道之主人幸艤舟而小留當接塵而  
一笑

帥江陵通運使楊顯謨

山川跋涉欲徧東南父子扶携復來荆楚卽有依仁  
之幸更懷冒寵之慚伏惟某官熏班馬之濃香鍾岷  
峨之秀氣籍甚之譽與江俱流燁然之光立朝更顯

謂當扣紫微而排閭闔徑拜玉清之侍臣何爲羞崑  
崙而薄蓬萊尚作繡衣之使者有如孤迹嘗並英遊  
乃今邊瑣之行復託外臺之庇夕烽罷警請與公圖  
綏靜之宜春水才生冀許僕辦歸休之計

蕪湖沈知縣

籍甚之譽久矣在諸公之間最爾之邦豈其淹長者  
之辱伏惟某官文章翰墨自成一家人物風流尚友  
前輩少借演綸之手來收製錦之功顧游刃之有餘  
諒追鋒之不遠未皇馳牘先辱貽書

鄭大資

綠章封事方修香火之緣黃紙除書忽拜蠶絲之托  
隗微蹤之未稱幸長者之焉依伏惟某官德秉純全  
學躋淵奧五百年之名世將以有爲四十圍之參天  
凜乎不拔歷數當今之大老孰是中原之故家願益  
介於壽祺佇登延於舊弼某服膺滋久望履終遙何  
期起廢之恩乃有親仁之幸惟諸父辱少公之客未  
報隆私顧是邦有賢者之留敢忘祗事歸依之極敷  
宣奚周



十 陳正字

同前  
伏惟某官學造聖真文為國采瓊瑤玉珮久應  
接武於夔龍貝闕珠宮尚困守關之虎豹所冀躬行  
於白屋會須自取於青雲某屬筮英躔謬參朝契念  
辱在游從之舊間者闕焉乃今諧親炙之榮喜可知  
也未遑問訊先辱移書

十一 提幹

同前  
伏惟某官襟量粹夷才猷超敏外臺贊畫知譽  
處之采休要路蜚聲諒簡求之不遠再惟冗瑣獲際

光塵友士之仁豈獨慰平生之願求民之瘼庶  
忠告之規

十二 建昌趙知府

同前  
伏惟某官擢秀天支蜚聲朝右為善最樂卓然  
循吏之師閱理居多粹乎宗室之老暫淹侯服行陟  
禁涂某慕義已深承顏弗遠是所願也儻或聞前輩  
之話言豈不然哉當盡得疲民之疾苦

十三 黃知府

同前  
伏惟某官正學探微英猷邁遠風流未泯蓋山

張子清集  
谷老人之諸孫進擢非遙有袁州刺史之故事諒不  
容於煖席卽過被於賜環某

同前

三

孫參議

同前

伏惟某官與學家傳宏猷天賦名藩布詔謂當  
少著於豐功燕館頤真乃復重違於雅志惟益臻於  
壽祉以茂對於榮恩其以此睽違載欣接款

同前

三

十四

王教授

同前

伏惟某官學造淵微才推敏劭橫經師壘知譽  
處之架休奉詔公車諒繇求之弗遠再惟允瑣早際

光塵未遑問訊之恭先辱貽之貺

三

十五

通判以下

同前

伏惟某官襟量粹夷才猷超敏回翔外服知譽  
處之架休踔厲要塗諒繇求之不遠再惟允瑣獲際  
光塵友士之仁豈特慰平生之願求民之瘼庶將聞  
忠告之規

三

十六

趙通判

殊庭賦祿方竊便安支郡分符誤叨委寄所幸治中  
之從事乃是平生之故人伏惟某官清德家傳英猷

天賦光風霽月自是無塵錯節盤根試窺游刃雖千里尚畱於驥足然九霄方迅於鵬程諒亟拜於除書遂橫塞於顯路某屬因諸父嘗際高賢問者闕焉已忘歲月之多少喜可知也願將朝夕以親依未皇問訊之恭先辱貽書之寵

二十六 苗太尉

授將軍之鉞嘗望餘光分刺史之符遂依隆芑伏惟某官忠揭日月義嚴雪霜早歲臨戎卽登於勇爵十年扈蹕屢勒於勳銘逮邊疆之多虞離殿巖而遣戍

茂宣皇畧亟挫天驕倚須露布之聞遄正節旄之拜顧茲孱瑣方藉帡幪瞻碧幕之非遥馳尺書而敢後

二十九 王侍郎

緯星辰之輻輳斯文夙賴於王盟卧江海之空同舊德更高於耆壽喜問塗之有日將候館以趨風恭惟某官名冠倫魁識參元妙瓊瑤玉珮固嘗接武於夔龍貝闕珠宮屢困守關之虎豹去六月而一息翔千仞以覽輝諒扶掖之北來卽賜環而南下某粵從稚齒聳慕雋躔何期荒障之乘適此高軒之過榮光下

燭華問先臨仰君子之好謙愧小人之不敏

明州韓尚書

繡幢畫戟占東藩鼓角之雄寶字玉文新廣內圖書  
之直入謁尚遙於賓榻修辭敢後於齋鈴伏惟某官  
粹量淵停英姿玉立學無不可凜乎當代之偉人政  
得其宜卓爾中興之循吏乙陛識尚書之履四方勞  
申伯之藩畱鑰九扉已壯長江之險戈船下瀨還清  
瀚海之波願疇外屏之勲遂贊西樞之畫某逃遑墻  
仞多閱歲時大司寇之議刑嘗拜家庭之賜小諸侯  
之述職敢忘方伯之尊嗟問訊以成疎且懷恩而未  
報所蘄宏度終諒微誠律管崢嶸和門整暇冀益綏  
於純嘏亟趨覲於嚴宸

曹監簿

一麾假守自愧非才千里貽書過勤盛意伏惟某官  
英聲夙著德器自將雍容文辭亟簡朝廷之聽積習  
名教益增闕閱之光方徑席於清高尚不忘於疇昔  
有懷謙眷莫喻鄙悰

賀周侍郎

寵溢濃恩。洵膺異數。以武部之顯。曹而顯玉堂之直。以文林之魁。傑而紬金匱之書。外廷雖創。見於親除。造際乃先。期於面授。恭惟聖眷。獨厚諸公。蓋將基大用於此時。豈目踵前人之故事。有如孤迹。辱在恩門。竊欣廣廈之成。密仰慶雲之蔭。輒因尺牘。少薦愚衷。

婚書

一 下定書

門館游從。早託金蘭之契。衣冠歆豔。共稱冰玉之賢。儻非姻好。之求孰識。交情之厚。伏承令女。閨房挺秀。某男中饋。偶虛。雖文采風流。難繼乘龍之喜。而幣帛筐篚。聊陳執鴈之儀。但顧衰宗。有慚嘉耦。

二 送禮書

門闌甚盛。素高冰玉之稱。聲氣所同。願托葭莩之好。惟季女蘋蘩之未采。屬大兒水菽之乏供。儻能撫有

其室家邇亦親承於師友其陳不腆用締無窮

二十六

六二第定沈氏書

代總得居士

同氣相求早傾風義嘉耦曰妃願締歡盟伏承令女  
賊德靜專久閑母訓而某姪孝覽秉心寒苦頗讀父  
書惟臭味之不殊故攀援之敢冀微福先祖假寵衰  
宗爰契我龜既協三星之吉言秣其馬願觀百世之  
將

二十七

四 回韓子雲定書

望宗國之喬木必有世臣詠澗濱之采蘋庶承先祖

某之長女僅若而人有如君家猶子之賢飽聞諸公  
平昔之譽願交久矣託契欣然腆儀來嘉永好無斁  
莫如韓樂敢問蹶父之相攸固有平貧終慚張負之  
子女

二十八

五 回沈子直禮書

甚似其舅早聞宅相之賢僅若而人儻遂家肥之喜  
誤拜委禽之寵終慚鳴鳳之占非公焉有此甥宜妻  
以兄之子鹽絮詠風前之雪敢擬昔人箕帚掃堂上  
之塵庶無失職

三六

回韓崧卿定書

閔閔之華夫非其耦婚姻之託初不敢聞遂成永好  
之堅寔繫嘉命之辱伏承令子提宮直閣被服寒素  
不怙富貴而驕其姪女四八娘生長賤貧頗知正順  
之守鴈幣來寵龜占亦從僅若而人得事君子習母  
師之訓敢云張仲孝友之風承舅姑之賢庶圖韓姑  
燕譽之喜